

紹興縣志資料第一輯

第二十四冊

第二十四冊（重訂分冊）

紹興縣志資料第一輯

杭州古籍書店複印

李鼎山陰人歲貢萬歷二十一年任河南柘縣歲飢朝廷發帑金遣官賑濟承命散帑金發倉廩躬勸民耕
駕鄉鎮不憚勤勞全活甚衆士民頌之勒碑以誌感祀名宦〔光緒河南柘縣志〕

孫學志山陰人武進士任福建武平守備有水蘖之操其臨事料敵洞如觀火竊盜王滿等既經擬配驅去未
幾聚黨蹂躪志學會三省進剿算無遺策巡歷所至人持三日糧不犯民舍有古名將風比遷貴州都司只
陝中圖書數卷而已〔武平縣志〕 按山陰志選舉孫志學萬歷己未武進士與此當是同一人

陳淙號靖予會稽舉人萬歷二十九年知惠安縣事儉約自持優禮生儒歲歉發賑民沾實惠崇武所舊有倉
兵糧取給以主簿司出納兵與攬戶私謀折色展轉侵漁亦牛糶沙泥淙上監司向時乾沒徵入還官縣令
主倉乃罷折色民免追呼崇武近海東南一帶風吹沙壅高與城齊淙示禁清畫城始屹然士民爲立碑記
之〔惠安縣志〕

茹文昌〔錄茹敦和撰家傳〕公諱文昌遺其字存想者其所自號也父仲懷公年三十遽歿公生七年而孤
與其兄存耕公俱鞠于世父伯常公伯常公愛之如己子比長伯常公適曰吾茹氏懲家難子孫率杜門耕
稼自守吾有子七人弟之子二人爾然有先人之田宅無凍餒足矣不令之富也遂均其財九分之公與存
耕公皆再拜受其一退而色喜大司馬吳公兌曰是舉也非受之者難而與之者難一門之內共燈而明共
釜而爨末俗莠莠橫生畛域遂有爭有讓大哉伯常公所由與漢士釣名者異矣吳公兌於茹爲彌甥其贈
公茹出也其後公壻於峽山遂徙居峽山之陽而存耕公仍故居桃源相距蓋五里公蚤起治家事畢卽

緣溪而上省存耕公耕公呼邱嫂具黍飯語喁喁然抵暮存耕公必送之下至小石橋所猶擁膝坐語俟夕陽盡乃歸存耕公來省公亦如之公送之亦必于是橋兩公皆高年各居然終歲中無一日不相聚雖風雨不以間也小石橋者田坵間于上下道里均焉故取以爲往來相送之節云先王父嘗曰吾恨隻身無兄弟後之爲兄弟者其毋忘小石橋哉〔竹香齋古文〕

孟鳳來字瑞林會稽獨樹人業醫著有治傷寒等書萬歷間禮部劄授太醫院官年八十縣令張夫以壺天逸叟四字贈之性行廉介義不苟取嘗簡還舉部魯北塘遺金數十金爲人所稱〔獨樹孟氏譜〕

任希孟字竹涯會稽東關人嘗刲股療父病萬歷二十六年卒〔東關任氏譜〕

朱璘〔節錄倪元璐墓誌〕公諱璘字文玉別號仰思越之山陰人其先積義代有聞人祖寵擢甲科官監

察御史父以京爲柳州郡倅挽轡慨然之氣飲泉不易之心循職致能置其父子柳州生二子公其家胤也生有異徵弱不好弄讀書強記等身十行江夏之號無雙童鳥之年九歲十六補弟子員十七有室公既靜專遂迷馬足廢其家轄而鈐文心鑽厲致精名傾一郡八舉不第羽豐而鍛玉之爲石淩陽無術足之智馬之責牛孤逐有傾筐之感公乃喟然而歎曰嗟乎夫文章以瘠爲德時命以拗爲權瘠不自理拘不入聽然則妍惡於誰其正窮達何爲可爭乎蓋至是公且倦遊年踰五十是爲顯皇帝御極之二十年歲在壬辰季公少師遂以茂齡成進士公欣奮獲有悟張弓因棄儒冠罷摩鳥燕于是蒐狩墳索之田游奕儒兵之坂醺譬百家之組徊翔二氏之樊離別穿串比類連徒五鯖七襄畢竭調纂遂成浩帙藏之名山暇或賦詩陶陶

簡簡讀咏而外無有憂謀原公之意以爲嗣者之才能貫其道衰褐所不相讓則功言可得分取也少師以命世之才無塵之體自廷尉郎出守巖都洊更臬藩率多異政振柔宣隱決蘊洒煩左綜文條右握武紀平江之梗徒定以綸扇遐徭之麻質載其鑪錘公時御板輿日形庭立當戶抱嬰則申害馬之誠畏明遏虐則詒拔薤之謀纖垢在旁則懼之以手目殷實在上則振之以鬚眉自少師之爲吏二十餘年治民臨戎不競不隸不茹不吐名與節舉皆緣義方於是天子以少師爲能擢爲四川右布政使當此之時建奴啓疆三韓淪喪有詔徵助西夷首吝奢氏賊師樊籠及其弟虎盛求資糧乘虛語難戕殺大吏攻壘名城師雄一吒以沸綿州李順四戰而撓劍閣遠近大震幾無兩川少師時以對揚輯瑞爰方啓行聞變回馭嬰城固守且保且鬪窮勇萃謀既三月餘賊遁圍解會詔下卽以少師建節成都大聲天討卒獲厥醜俘獻闕下蜀亂以平當難始作公方里居道路之云日以沟籍卽無蛙鼃不沉之勢僉懷雀妾同盡之憂公反慷慨夷猶還慰告者死兒分也願兒不死及事既平人咸歎說以爲天下忠智無如我公矣且夫義正者情流之巨礪明識者時風之五兩故曰衆惑不惑衆懼不懼芒者之懷然貞人所斷斷也少師旣以定蜀之功比休寧葛三年有賞錫山土田而公展筮方外與與猶華陽松風山有真人之號堯夫花輶鄉移安樂之窩如是數年無疾忽殞捐館之晨里爲巷哭絲公居體貞誠宅心醇粹飲人不蜚之藥約俗無桂之繩庚桑太丘道存嚴慕風澤三百於是不誣矣公生嘉靖己酉八月十日卒天啓丙寅三月十二日享年八十有五六承天寵晉封至某官天子又以勞臣之懷予祭葬逾等及其死也猶足以榮配贈夫人趙孝禮穆宣無非不忒天璽之曰女

士九子以爲母師誠黃中之備能后王所歸則也生嘉靖己亥十月十九日卒萬曆壬子四月十日長公十歲先公卒十五年享年七十有四三子長啓元宰尤溪有聲次鴻瀚季卽少師諱燮元今官黔蜀楚滇西粵五部總督左柱國少師兵部尙書兼右都御史諸孫爲大金吾兆寧宮諭兆柏洎兆棟兆相兆桂兆柱兆案兆宜兆憲兆宣凡十人

祁汝東山陰人隆慶元年舉人萬曆甲申爲江西贛州同知聽斷公明用法平恕獄難鞠者當道悉委之以屯田高下分等則以定運軍年限衛所至今賴之終兩淮鹽運使〔據贛州府志〕

祁承燦字爾光山陰人萬曆甲辰進士歷江西右參政精於汲古其所鈔書世人多未見校勘精核紙墨潔淨其藏書之庫曰澹生堂著有牧津澹生堂集又撰澹生堂藏書約以示子孫分子目四曰讀書訓曰聚書訓曰購書訓曰鑒書訓刻入知不足齋叢書〔中國藏書家考略〕

宋應昌字相岡山陰人徙仁和嘉靖四十四年進士知山西絳州悉心撫字罷四門稅金豪宗擾民者廉治之鏡冤雪枉有異政擢刑部員外郎改戶科給事中互市議起疏陳撫賞不便者三事又陳防守六事轉刑科右給事禮科左給事陳防邊七事時張居正當國奏事者必先白劄封怒應昌已出爲山東濟南知府盤奸剝盡問民疾苦擺按察副使備兵河東時蒲州河隄決三月築成既苦旱用董仲舒禱雨法撤所司行之輒應升河南左參政兼督糧條九議禁革奸弊軍民稱便升山東按察使轉江南右布政歷福建左布政升山東巡撫疏陳三事又定積累權變二法以授有司巡視登萊青三府題海防便宜五事又題海防要略

大意謂倭奴情形已著春汎可虞請復舊衛巡司舊制進還將練兵積案三策親歷海口撥兵設防升大理寺卿朝鮮告急萬歷二十年八月以應昌爲兵部右侍郎經略備倭軍務十月以都督李如松提督薊遼保定山東軍務充海防禦倭總兵官應昌移檄四鎮分布海口而如松稱寧夏未至兵食皆未備詔書督促應昌鑿空枝梧部署出關時倭奴衆三十萬應昌兵僅三萬五千十二月如松始至應昌卽營與如松踏冰渡江明年正月兵薄平壤倭將清正行長等築飛樓鑿牆穴守牡丹峯以相犄角應昌指授方略圍其三門外布疾藥數重火器齊發毒煙蔽空令軍士含解藥仰面肉薄而上諸門皆破斬首一千六百四十七級焚溺死者無算行長渡大同江還還龍山朝鮮所失黃海平安京畿江源四道並復清正亦還回朝鮮王京時王京聚倭三十餘萬應昌畫依山俯攻之策以疲卒當銳師聞王京城南有龍山倉積粟數十萬夜令死士以明火箭射燒龍山十三倉倭遂乏食棄王京去應昌與如松入城撫恤傷殘招歸者從游擊沈惟敬輒乘間率倭使以封貢請應昌方具防守善後議聞撤兵議上疏力爭召還轉左侍郎升都察院左都御史歸隱孤山絕口不談東事（明史本傳 朝鮮傳 浙江通志 黃汝亨撰行狀）

馮仲縷山陰人萬曆二十年日本平秀吉遣將闖朝鮮明興師往援以兵部侍郎宋應昌爲經略駁方主事袁黃參與贊畫求奇士得仲縷所謀屢中旋袁爲總兵官李如松所劾中察典仲縷亦罷歸傲屋景師讀書賣藥以老（事詳錢謙益初學集東征二士錄）

王啓予會稽籍襲中所百戶萬曆二十三年會試武舉以軍門中軍領水兵防旅順調征釜山倭守朝鮮南原

進防全羅康津縣巡哨瓮幕鹿島進兵大洋逐倭復領兵船回南加守備職銜賞銀鈔子明翼萬歷三十二年會試武舉升金營備倭把總〔海鹽縣志〕

王照山陰人萬歷間以舉人知江西新昌縣〔今宜豐縣〕勤敏愛民丈量田畝布衣草履躬行田間併鑿高安浮糧苦累寧隘其額而毫不敢浮民陰受其賜〔臨江府志〕

陳美山陰人萬歷中知湘陰縣年少習吏事刻課士錄建養濟院設立門簿編載花戶糧圖一清乾沒之弊〔湖南通志〕按山陰選舉志陳美萬歷二十年進士仕至布政使左參議

周山山陰人萬歷間由舉人任山西保德州知州立心正大處事公勤士依民懷治行爲當時最著滿堂遷州人霍升等走京師請加銜仍知州事祀名宦〔據山西通志〕

虞慶山陰人萬歷間任湖北光化教職學優品端教士有法子孫皆入光化邑庠〔光化縣志〕

吳偉會稽人粵之瓊州在萬歷二十九年以前以督撫兼撫黎是年始添設撫黎通判以俸爲之俸乘馬矢剗定之餘開示信義招撫黎人黎出聽招者數十峒願輸約者數百頃時建設水會所社學取府學生儒教黎童習讀黎人因此知學尋署瓊山縣愛民如子有積案連年不決俸視事即時昭雪禁革浮耗令懸匾署門外有擅增分釐者置法後以左遷去士民送者絡繹數十里祀名宦〔廣東瓊山縣志〕

王三省山陰人歲貢萬歷三十年任浦江教諭質任自然布衣蔬食澹如也持已端方人莫敢干以私而心地長厚喜揚人善諱言人過會長令偶忤當道遷怒及之左轉王府教授〔浦江縣志稿〕

沈熒字敬樞山陰人恩貢任長沙衛經歷善醫萬歷三十二年入籍順義佃子里開魯各莊水田順義之有稻自此始〔順天府志〕

黃齊賢山陰人萬歷中爲湖南衡州府推官嚴於御下明於折獄風裁峻整操履曠然〔湖南通志〕

陳銘山陰人萬歷中爲湖南桃源主簿檄采兩宮皇木愛惜民力遷荊府典實民勒石志不忘〔湖南通志〕

陶世殷會稽人萬歷中爲湖南善化縣丞舊例徵解南兌有常規幫解及驗倉較斛下認加耗諸弊世一切革除所受民辭必盡得兩造曲直〔湖南通志〕

王伯金山陰人萬歷三十七年選蕭縣主簿器量豁達能任事時蕭有河務柳草之役伯金殫力區畫革除吏弊民若不知有其役者尋轉衛經歷〔徐州府志〕

金冠字章甫號芝田山陰湖南岸人萬歷三十八年武進士初授錦衣鎮撫後轉維陽周橋營都閫時遼東多事冠挺身請兵赴援當道嘉之上其狀加遊擊統水師入援至天津叙績陞參將移鎮遼東覺華島歷倖七載陞副總兵加都督僉事戰守之功爲多常三渡海接渡難民以數萬計朝廷嘉其功賚錫幣刀甲等物當事倚之爲長城方推轂將大用竟以積勞成疾療治不痊屢請得謝事將束裝南旋會長子士騏中天啓五年武進士聞疾馳至始得一面卽成永訣冠甫卒七日覘者知之猝渡覺華襲其軍士騏率衆格鬪不克而死事聞追贈護國驃騎將軍士騏贈武略將軍世襲紹興衛百戶冠著有枕戈餘藝東渡諸記藥珠小夢集傳世其次子士騏扶其柩歸里葬於梅里山之陽〔湖南金氏譜〕

沈應禮〔錄章正宸撰傳〕沈公泗陽諱應禮天姿穎敏讀書過目成誦凡經史性理及諸子百家莫不窮究及其下筆則原原本本文不加點頃刻立成嘗曰八股所以發揮聖賢之精蘊而明體達用之學無不畢具於是彼專工制藝獵取科第亦何當於寔用觀公之言與公之學此誠體用兼備者矣同邑石簣陶公名士也萬歷己酉選拔學使者閱陶卷甚佳首屈一指比見公卷歎爲競爽莫定甲乙因欲以所習卒經次第定其名叩之則皆五經因以經題十則命對試限竟日以先完者勝公先畢稱賞不置卽以公爲首人賀之公曰陶公宿學吾豈敢與之爭首其謙退如此越歲鄉舉獲中魁名以卷被割而屈公曰莫之爲而爲者命也吾豈以是介意者蓋公自束髮讀書卽留心經濟以期寔用及處得失之際則又漠然置之此蘇子所謂非才之難所以自用其才者寔難然則公之學不可及而其量尤不可及也後以拔貢任廣東陵水縣知縣民安盜息召父杜母之聲載道則公之經濟可見惟不樂於形勢中奔走甫一載而謝仕竟不克竟其所用惜哉年六十有九卒葬于漁池之原

劉煬〔節錄水澄劉氏譜家傳〕高淳公諱煬字仲陽號明石以明經貢入太學謁選知高淳縣公下車值歲年旱撈非常江南大飢神廟〔萬歷〕特遣科臣楊文舉發兩淮鹽稅金錢數萬行賑假舉効權而楊婆甚所至張會置酒郡邑吏望風捆載趨承之恐後公獨無所阿旨一意字飢黎所頒賜金輒以法設賑俾民沾寔惠會楊徵名優於淳公以一老優應命曰歲飢優詘矣楊恣不憚第公考中下先是令以救荒藉口料富民錢殺而授耳目於奸猾因以爲利諸富戶恐相戒閉糴貧民持之急卽商賈不敢出其境而粟益詘價益湧

民用大困至是一切持以寬簡令民得自相貿運與時低昂四方商賈來歸粟大集其年復大旱自五月不雨至於八月公又請賑于府府爲出常平之宿儲聽公便宜而少京兆德清許敬菴先生親行縣因飢民之力而授以食俾修築愚堤公夙夜乃公調度有法久之堤成所活飢者以萬計而向之齔脫不毛者皆爲奧區矣公視民物物朴誠遇事若無所揮霍而所至推心人咸用命處飢疲之後每事還以安靜又諱躬潔凜吏束手無所倖竇久之訟獄漸稀民鮮以事至縣者三年淳乃大和乃公既一意爲民無所阿譽於上官卽一切過客所傳以歲飢僅具脫粟益用數數開短途以大計落職淳民方戴公爭詣臺使挽公公止之曰吾用明經自格耳非有他也公去而淳民思公德不置爲之傳循吏續載邑志乘中既歿若干年淳縉紳先生黃秉石又爲之立傳〔下略〕

劉燈〔節錄水澄劉氏譜家傳〕見吾公諱燈字仲潛六歲喪父哀毀如成人家貧力學未弱冠卽爲里中童子師資以養母母病焚香祝天刲股以進而得痊人以爲孝感學旣成試於有司屢踴乃去而就他途以曹史起家初授蘆溝巡檢督造蘆溝大橋三年而告竣各部紀錄陞任長沙水豐倉大使給緄赴部考最擢途溪主簿值倭寇攻陷電白等縣勢及內地途溪其衝也時縣無正官并缺餘佐獨公一人新蒞任晝夜拮据爲城守計而寇已壓境公親領官兵劉金佐俞子奇等數千人分駐鷄籠山西寮村等處前後接戰生擒倭寇三名斬首十二級衆遂奔潰自此倭不敢犯途溪已而各路官兵盡集途溪相機征剿上官以公才命督理軍需及糧餉公皆取辦於咄嗟間事事無誤至所向克捷則公之勞勩居多時連歲興師饑饉處瘠居民

死傷相枕藉海寇許俊美復乘機肆掠沿海公內撫飭民外禦賊寇種種方略出人意表久之寇退遺孽亦漸有起色一邑安堵邑人立廟祀公當事者薦公新寧知縣而格於例不果行會公攝觀中途聞母喪匆匆了公事徒跣而歸忌公者轉有所中於制臺股君正茂復用微根不及顧坐註誤落職人多爲公不平者既服闋乃詣京奏辨得旨下部覆覈直公大略謂公在遂溪以一縣佐攝正官當倭夷猖獗之日與民效死保全孤城已在叙功之列至於前項稅根因兵凶交困征不及顧見奉恩例罹災地方以四分爲足額昭皇上寬恤之仁則本官所坐似更有可原者遂復公原職再補安仁在安仁一意奉公不以苞苴自潤民戴之如遂溪滿六年而致政歸歸之日行李蕭然家徒四壁而已又若干年卒於邸時伯子贊亦從事京師方公病贊亦封股人益稱公以身教公儀度端偉被服儒行居官數十年所至侃侃樹立不以資格降志故郡中賢者如高給諫望梅沈廉訪會峰章少參稷舉諸公皆與公莫逆而館湖州最久潘閔淩諸大姓顯者皆敬公引爲忘分交族弟魚號躍淵亦以從事起家歷巡倉諸曹數十年所至輒稱其官而物身端整不苟有素劉逢時〔節錄水澄劉氏譜家傳〕衡慕公諱逢時字汝振號行可承家學治舉子業益肆力墳典稱博綜以例入成均累試弗售乃稍去而治長桑君術遂以其術名于時然非其好也一日親友勸駕謁選慶陽衛經歷受知于藩伯李公維楨李當世文章宗匠公時以古文辭寄之吏牘用破格禮之遂委環縣〔甘肅〕篆環民瘠地衝軒轅相望供億不暇公輒裁損以舒其困有辟而枉者私蒙數十緡以請公却之而仍白其枉時皇孫生肆赦監司盧下牒徵錢公弗應曰已從教條除之矣盧心曠公甚既而同諸下吏庭謁公獨以教官

禮見弗叩穎虛日攝之公退而奏記其略曰語曰禮義廉恥爲四維夫禮有時拜跪以將之不以爲詔然而搏穎伏堦不及于土我國家之命官也儒術與才幹異不獨養恥亦閑禮焉故胥而幕者卽鮑伏故態耳尤而效之于上不加隆而躬博士之軌者不幾頓乎盧索過益急竟奪其署篆環民有泣送于途者公遂投牒乞致仕在環不持一錢并俸薪與馬諸僚執皆揣上意格不給蕭然而去官往來行李皆告債于家前後數萬銖而家自此耗矣或勞公曰何事苦乃公公笑曰莫爲乃公苦也因自號樂休山人仍著其說曰山人者誰行可劉子也性秉直不慕權貴不交匪人惟詩奕是娛晚事難肋卒以忤當道歸家四壁立怡如也別號樂休者世人以聲利爲眞銓以華寵爲要職行盡如馳而不知休知休矣或不能樂凌援者休于驕酣恣者休于蕩怨懣者休于困困則病蕩則亡驕則敗其身之不保奚能樂也山人雖劇蕪敝廬足以蔽風雨薄田足以供飭粥詩可吟書可玩山高水清鳥啼花笑或含飴以弄孫或敲棋以對客或咀餌以療疴或煮茗以滌慮倦一枕醒一椀行無牽止無尼不知老之將至則謂之樂休亦宜歲癸丑年六十里人爭繪樂休圖以贈公益顧而樂之明年以疾卒所著有醫方攷義山人雜說可也堂詩稿若干卷藏于家

陶崇道字虎溪會稽人萬歷庚戌進士知山東掖縣掖仍歲奇荒爲民請蠲卹南乞糴於淮上北泛津門責粥貸粟全活無算擢監察御史〔掖縣志 會稽選舉志載仕至給事疏參逆璫〕

陶崇文字孔周號奮軒明季政衰客亂國遂絕意功名自放山水間日與親朋登陟嘯歌曠然綿遠山陰郭元儒先生歎曰奮軒子蘊奇絕古不欲問世而遐跡山林令人想見安石風流然公目擊時事不能忘情因

作宮臬記雖院本戲劇其蘊義生風疾邪刺世志節可概見矣子泳字英巨明末棄諸生鼎革之際所親有以顯官家居者白衣冠造其門謂聞者曰國事如此某某已殉義死矣爾主諒不在諸君子後敢弔爲舉哀慟哭聲聞四遠卒年四十有一（陶壤陶氏譜）

周嗣昌山陰人直隸武清籍萬歷三十六年任寧化縣丞清動有惠政其去也孝廉伊天民爲碑文記之略曰周君起家明經先丞吳江再補寧化其人厚重少文言事不出口邑侯盛公威嚴若神剗斷如割乃獨謂君長者傾心下君先是差解國課三千金有奇悉沒九龍之淵當事議加派民間怨聲若蜩螗然君獨慨然請以身從事與河伯誓期盡起而後朝食日夜竭蹶果獲起焉官民稱慶所條陳十二事皆苦心民岩可垂不朽時嘗較正藝文談吐名理蕭然猶老諸生興到則吟咏松下不以丞爲吾負有柳下不卑之曠焉盛侯脩觀特以篆屬君君三辭不可遂不入私室戒內胥無外通登公堂而飭吏民曰吾不樂與若輩相督過吾姑視倉庫錢糧云爾若輩能保無相犯第相安也攝數月庭可張羅吏惟飲水耳邑故多木買其上流淮土徵商所藉驕逸爲土人側目值霖雨河溢商木蔽流而下悉壞民居併損橋梁君登樓嘆曰寧人何辜遭此荼毒藉非商木爲祟卽天災也遂至是遂下令羈木個然以拯救爲任或謂君商賈而黠不如寢君瞋曰汝以利害能動我耶竟移文申請盡行其意亡何竟轉楚府邑人共不平戒裝就道不備宿春邑侯程公義而憐之捐俸以資一去行父老感激揮涕自中產以下無不願佐升斗君麾不願曰吾守吾拙安往而不得窮奈何以去之日重累諸士大夫百姓耶君既竣卻復僉欲以所卻金謀祠君君滋不悅曰是使我近名也夫

市名與市利相去幾何不得已乃謀勸君政於碑而附於盛侯之祠君乃拱手謝曰吾何政可勸或叙次吾拙以告後之君子無若周某之拙可耳因屬予爲記其概於此〔寧化縣志〕

劉瑗字叔時號曙海世居山陰之水澄巷少穎異長而銳心經術隨叔氏河南方伯乾陽公任後又東遊燕趙至東安樂其風土之淳遂家於縣治小西街之葛南里補博士員試輒高等食廩餽棘闥三薦不售稔公才者咸爲扼腕神宗朝以邊儲缺乏士得納粟奏名方伯公爲之援例入貢非其好也初授山東寧海州判任事三月政聲大起會文登縣令缺當道廉公才命攝之文軍民雜處軍多強橫不法佔民田沒爲菱芻地百有餘年矣有司皆格於勢不能治公謂昔定牧場均田賦自有一定疆界於是悉力清釐使牧地民田不相侵併雖抵觸營將不恤也其他興學校立社倉旌賢療惡闢境肅然老稚咸德之當道以最狀聞不浹歲遷汝寧王府審理正公一日謂家人曰余數年來心力漸耗雖屬閒曹朝廷升米之粟初非病軀所宜忝竊也遂告歸臨發攀轅臥轍者踵相接也旋里之日足跡不至公府左圖右史一觴一詠日進子弟而訓之長子應東以文章名次子兆東中天啓辛酉副榜授徐州州同以才能薦任通州監紀陞蘇州府司馬孫宗爽以博士員貢禮部自越遷至燕迄今凡六世簪纓弗替儒業相承蓋不愧劉氏後云〔東安縣志〕

丁乾學字天行號白菴〔史外五〕浙江山陰人寄籍京師〔明史列傳〕數歲知孝弟之道竭力事父母所往來皆東林賢士大夫〔東林列傳〕萬曆己未進士選庶吉士授檢討魏忠賢亂政魏廣微以同姓得與羣小相構煽權勢益橫乾學感憤時事慨太息流涕仰天哭鳴嗚不已與同年吳裕中深相得吳官御史每朝退卽

過乾學論時事及璫黨輒叫號呼天相持痛哭或中夜起舞拔劍擊柱斫几聲撼鄰壁家人不知驚謂得狂疾遇廣徵則數數引義規切之毋墜父訓廣徵怒甚謂其私人曰丁檢討舉動如此想不欲保首領耶爲我廉其所爲人告上公而誅之月餘邏者無所得〔東林列傳〕天啓四年偕給事中郝士膏典試江南〔明史列傳〕深疾逆閹擅竊國柄故於試錄序推重南昌萬燦劾閹之疏爲多士勸〔宛平王志〕謂中旨頻頒經騎時下凡再辱士大夫天下亦既虞寺人矣且事變寧可預料漢優夷狄曹節王甫與張角兩亂之唐苦藩鎮仇上良劉季述與王仙芝兩亂之當時汪直劉瑾之禍釀之有端去之有術其不可用枉明甚東陽之委蛇旣不可爲遷健之潔已亦豈得策韓文之聲大義固未可盡非乎顧何以如楊一清卒清君側奸耶語侃侃不忘〔史外五〕忠賢之黨撫拾以告因嗾御史糾試臣語譏上公〔宛平王志〕矯旨鐫三級復除其名〔明史列傳〕時有舊僕高守謙者濫籍錦衣亦逆黨也〔宛平王志〕守謙率中官數十人〔史外五〕擁入乾學寓矯稱有詔乾學俯伏就逮守謙偕諸人箠楚交下乾學創甚尋卒〔明史紀事本末七十一〕崇禎初事始白守謙伏誅餘悉成贈乾學侍讀學士〔宛平王志〕再贈禮部侍郎〔史外五 舊志有傳參看〕

陳堯言山陰人天啓二年任貴州思南府安酋圍省有轉輸之績〔思南志 按陳堯言萬歷十年舉人〕

周官會稽人泰昌恩貢天啓間任遂昌訓導雅意好脩實心訓士砥礪者嘉獎不率者督懲陞雲夢教諭臨行

紳衿送者載道依依不忍舍爲立石文昌閣以志思〔遂昌縣志〕

許昂〔節錄江曰慎撰傳〕公諱昂字公勉山陰之黨山人父耀字慎坤有隱德生公及公弟暹皆具萬夫京

公少不好弄讀書目數行下既冠魁岸多力識膽沈雄值明社將墟流寇四起黨山故瀕海倭與內地賊出沒民罹鋒鏑尤甚公一日慨然曰丈夫不幸生亂世無分執干戈衛社稷登桑梓之患亦坐任其蹂躪而莫之捍與遂與弟約共棄舉業日夜習騎射公有女弟適單既寡依兄亦能兵俄報海匪大至鄉人率走匿公預部勒宗黨結柵於里西之井亭塢單亦縛藍布作旂幟偕公登塘阜指揮列陣時賊衆盈萬公所號召數不當賊什一兵器皆鐵鏹之屬會天大風漠漠多塵沙公遣壯士伏塘畔叢葦中伺賊不備突出斷馬足擒其酋賊大驚急近戰公已率衆踞塘高闊處以噴筒人鹹面迎風激射賊目皆眯舉炬焚叢葦沿塘數十里光塵蔽天鄰村伏匿者覘公衆得勢爭出相助前後邀擊賊隊亂互相踐尸首拋滿塘上下逐北十餘里塘地爲赤自是濱海數十百村無寇跡而當時守土者欲上其功公堅謝之故世諺知者獨其敗賊處至今土名以紅塘頭呼云〔黨山許氏譜〕

曹惟才〔錄毛奇齡撰傳〕山陰曹君太常卿與予內從祖南京五城兵馬指揮陳君爲姻交陳君爲之傳傳者置也謂其行事可傳置也且曹君舊有聲其號秋水名惟才人能稱之其以第一人舉於鄉成進士仕泉州司理歷兵禮二垣給諫進太常卿人皆能指之其仁於先和於閭閻勤於供官而竭蹶於國家多故間也人又能數之道之然則何傳乎傳其軼事君之初仕時以泉州司理攝漳州也漳故多寇而君以泉州理來咸望君且郡闕兵備寇之將至嘗佔守未備以乘其隙君出聽事問服鄙袒衣偃仰四顧而命課夫漳之儒生儒生雖強起應之然竊笑止有怪之者乃益復召他郡他郡亦應之當是之時大宗伯黃公道周適鄉居